

SCRIPT OF MORNING GOJRI NEWS BULLETIN 29AUG 2026

1015HRS

مارنگ گوجری نیوز بولٹن 29 اگست 2026

یوہ آکاشوانی جموں ہے عبدالرحمان تین خبر سُنو۔

IFFJK 2026

جموں کشمیر بین العقوامی فلم فیسٹیول گا افتتاحی شماره مانہ 41 ملکاں غی 115 فلماں غی نمائش واسطے پوری طرح تیار ہے۔ یوہ فلم فیسٹیول 7 تین 10 ستمبر 2026 توڑی منعقد وے غو۔ تے اس غے ذریعے دُنیا پھر غا سینما مانہ مرکز توجہ بنایو جے غو۔ افتتاحی فیسٹیول غی ایک بڑی کشش 96 لکھ روپیاں غی مجموعی انعامی رقم ہے۔ جہڑی 9 بکھ بکھ انعامی زمراں مانہ تقسیم کی جے غی۔ تانجے فلم سازی مانہ بہترین کارکردگی غو اعتراف کیو جاسکے۔ بہترین فلم غا انعام غیا انعامی رقم 25 لکھ روپیہ ہے جد کہ بہترین ہدایت کار غی بہترین پہلی فلم واسطے 15 لکھ روپیہ فی اعزاز دتا جیں غا۔ فیسٹیول غی جموں کشمیر ور خصوصی توجہ مانہ برقرار رکھتا وں جموں کشمیر غی بہترین منتخب فلم غا زمرہ مانہ 10 لکھ روپیاں غو انعام رکھیو گیو ہے۔

IFFJK JURY

جموں کشمیر حکومت نے جموں کشمیر غا پہلے بین العقوامی فلم فیسٹیول واسطے 5 رُکنی منصفین غا پینل غو اعلان کیو ہے اس پینل مانہ سنتوش سیون شامل ہیں ، جہڑی معروف بھارتی سنیماتو گرافر، فلم ساز ، پروڈیوسر تے ہدایت کار ہیں دُجا ممبراں مانہ دیسول پُکلی اکیڈمی اعزاز اوسکر تے بافت اعزاز یافتہ ویدم شری تین سرفراز شخصیت ہیں ڈورٹھی وینر جہڑی جرمن فلم ساز کیورٹیر مضنہ تے صحافی ہیں تے ، جہڑی بین العقوامی سینما واسطے اپنی خدمات غا حوالہ سنگ معرّف ہیں۔ کیو بینگ جہڑے جا پانی میڈیا کاروباری شخصیت ہیں۔ دستاویزی فلم ساز تے پروڈیوسر ہیں تے ہمشو شیکھر کھٹوا نیشنل فلم انعام یافتہ فلم ساز تے مدیر شامل ہیں۔ یوہ پینل فیسٹیول غا بکھ بکھ مقابلہ جانی زمراں تے خصوصی حصاں مانہ پیش کی جان آلی فلماں غو جائیزو لیں غا۔

SRINIVAS CSIR IIIM VISIT

نیتی آیوگ غا ممبر ڈاکٹر ایم سری نواس سی ایس آئی۔ آئی آئی ایم سرینگر شاخ گو دورو کیو تے ادارہ غی سائنسی تحقیق اختراع، کاروباری سرگرمیاں تے معاشرتی اثرات غے متعلق کم غو جائیزو لیو۔ اس دورہ غے دوران ڈاکٹر سری نواس نے سائنس دانان نوجوانان محقق تے اے آئی سی ، آئی آئی ایم مانہ قائم سٹارٹ اپس سنگ بات چیت کی۔ جن مانہ فلاح و بہبود ، ادویات تے صحت عامہ غا شعباں مانہ کم کرن آلا ادارہ شامل ہیں ڈاکٹر سری نواس نے ادارہ غی کوششاں تے کامیابیاں مانہ سہرايو تے اس گل ور زور دتو جے سائنس ٹیکنالوجی تے اختراع غے متعلق مسائل گو مناسب سطح ور جائیزو لے غے انہاں مانہ حل کیو جے۔

PM MAN KI BAAT

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ پلک سویرے 11 بجے آکاش وانی ورن من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 137 ویں قسط وے غی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن لائن مو بائل ایپ ورن نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلا عات و نشریات غی وزارت غا یوٹیوب چینل ورن وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہ علاقائی زبانان مانہ وی نشر کرے گو۔

UJH PROJECT

کٹھوعہ مانہ اُجھ کثیر المقاصد پروجیکٹ نانہ کئی دہائیاں تیں بعد دوبارہ شروع کیو جارہیو ہے جس سنگ خطہ گا طویل عرصہ تیں منتظر ترقی غی اُمید پیدا ہوئی ہیں۔ اس پروجیکٹ سنگ جموں کشمیر غا کٹھوعہ تے سامہ علاقان پنجاب گا پٹھانکوٹ تے گرداسپور نانہ وی فائدو پُجن غی توقع ہے یوہ پروجیکٹ تقریباً 90 ہزار ہیکٹر ذرعی اراضی نانہ آبپاشی غی سہولت فراہم کرن غے نال نال پین گا صاف پانی تے صنعتی پانی غی فراہمی مانہ وی مدد گار وے گو مجوزہ پاور ہوس خطہ واسطے بجلی وی پیدا کرے گو مقامی لوکاں نانہ سیاحت روزگار تے معاشی ترقی غا حوالہ سنگ وی اس پروجیکٹ غی بڑی توقعات ہیں۔

NANGALI SAHIB PARK

جموں کشمیر حکومت نے پونچھ مانہ تاریخی ڈیرہ ننگالی صاحب غے قریب ایک میگا پارک غی تعمیر واسطے 2 کروڑ 7 لکھ روپیہ منظور کیا ہیں اس منصوبہ گو مقصد مزہبی سیاحت نانہ فروغ دینو ہے اس فیصلہ غو خیر مقدم کرتا واں ڈی جی پی سی پونچھ غے بینر تلے سکھ مزہبی و سماجی تنظیمان نے لیفٹیننٹ گورنر منوج سنہا ، وزیر اعلیٰ عمر عبداللہ تے ایم ایل اے حوہلی ، اعجاز احمد جان گو شکریو ادا کیو ہے۔ برادری غا نمائندہ نے کہیو ہے جے یوہ منصوبو علاقہ غی خوبصورتی مانہ اضافہ کرے گو۔ عقیدت منداں تے زائرین واسطے سہولیات بہتر بناوے غو تے سرحدی ضلع مانہ مزہبی سیاحت نانہ نمایاں فروغ دے غو۔

PROG ANN

آکاش وانی جموں گو علاقائی خبراں آلو شعبو اج 29 اگست نانہ قومی یوم کھیڈ غا موقع ورن تہاڑے غا 2 بجے 30 منٹ ورن 30 منٹاں ورن مینی ایک خصوصی مباحثہ ورن پروگرام نشر کرے غو خصوصی پروگرام گو موضوع وے غو، بھارت غا کھیڈ گو سفر تے مستقبل غی راہ۔ اس خصوصی پروگرام مانہ معروف صحافی تے یو این آئی جموں گا بیورو ہیڈ ، وشال بھارتی ، پروگرام گا موضوع ورن اپنی قیمتی رائے تے ماہرانہ خیالات گو اظہار کریں غا۔ پروگرام غی میزبانی کریں گا مارا انکر ، وجے بجاج۔

SPORTS DAY JMU

جموں کے کے ہکو سٹیڈیم مانہ جموں کشمیر اسپورٹس کونسل کے زیر اہتمام قومی یوم کھیڈ جوش-وخروش کے نال منایو گیو۔ اس تہاڑا گو مقصد نوجوانان مانہ کھیڈ، جسمانی تندرستی، نظم-وضبط کے صحت مند طرز زندگی نانہ فروغ دینو تھو۔ اس موقع ور جموں گا ڈویژنل کمشنر رامیش کمار بطور مہمان خصوصی موجود رہیا۔ قومی یوم کھیڈ گا موقع ور بکھ بکھ کھیڈاں غی سرگرمیاں غو انعقاد کیو گیو، جن مانہ کھیڈاریاں ، کوچز ، افسران کے کھیڈاں تیں وابستہ افراد کے جوش-وخروش کے نال حصو لیو۔ رامیش کمار نے کھیڈاریاں تیں گل بات کی کے اُنہاں نانہ کھیڈاں مانہ بڑھ چڑھ کے حصو لین کے جسمانی تندرستی نانہ اپنی زندگی غو لازمی حصو بنان غی ترغیب دی۔

WEATHER

محکمہ موسیماں نے پیش گوئی کی ہے کہ آئندہ 10 دنان کے دوران جموں کشمیر مانہ موسم عموماً گرم کے مرطوب رہن گا امکان ہیں ، جد کہ بکھ بکھ مقامات ور مختصر وقفہ واسطے بارش کے گرج چمک کے نال بوندا باندی ہوسکے۔ آکاشواںی جموں گا نامہ نگار کے مطابق ، پیش گوئی کی گئی ہے کہ اج تیں 30 اگست توڑی سویرے کے دوپہر کے وقت بعض مقامات ور مختصر وقفہ واسطے گرج چمک سنگ بارش کے بوندا باندی متوقع ہے۔ 31 اگست تیں 1 ستمبر توڑی موسم عموماً گرم رہن گا امکان ہیں ، جد کہ کئی مقامات ور ایک یا دو مرتبہ ہلکی تیں درمیانہ درجہ غی بارش ہوسکے۔
